



# COMUNU DE SCALEPLANU

Provìntzia de su Sud Sardigna

**Ufìtziu de su Sìndigu**

Bia de Sindaco G. Carta n. 18 - 09051 Tel. 07095410 400 - Mòbile 3204339103  
[sindaco@comune.escalaplano.ca.it](mailto:sindaco@comune.escalaplano.ca.it) – [protocollo@pec.comune.escalaplano.ca.it](mailto:protocollo@pec.comune.escalaplano.ca.it)

Prot. n. 5629 de su 08.08.2019

**A s'Albu Pretòriu - Sede**  
**A is dipendentes comunales - Sede**

## DECRETU DE SU SÌNDIGU N. 3 DE SU 08.08.2023

**OGETU: SERRADA A SU PÙBLICU DE IS UFÌTZIOS COMUNALES IN SA DIE DE SU 16  
DE AUSTU 2019.**

### SU SÌNDIGU

**Bidu** s'art. 50, comma 7, de su D.Lgs 18 austu 2000 n. 267 (Testu Ùnicu de is leges subra de s'ordinamentu de is Entes Locales) e mudas e integratziones sutzessivas, chi pro mesu de custos su Sìndigu coordinat e organizat is oràrios de abertura a su pùblicu de is ufìtzios localizados in su territòriu;

**Cunsideradu** chi in is dies feriales a presu o intre is festividades, si reduit meda s'intrada de pùblicu in is ufìtzios comunales;

**Cunsiderada** aiaci puru s'oportunidade, in s'àmbitu de sa reduida prus generale de s'ispesa pùblica, de adotare providimentos chi punnant a limitare is consumos energèticos, chi tocat a persighire in periodos particulares de s'annu, caraterizados dae sa cunsistente reduida de s'atzessu a is servìtzios comunales dae banda de su pùblicu, puru dae sa reduida de su nùmeru de su personale in servìtziu chi sunt in fèrias, cuntzentradas prus che totu in sa chida de mesaustu;

Retentu, in relatzione su chi est istadu naradu, de dispònneru sa serrada de is ufìtzios comunales a su pùblicu pro totu sa die de chenàbura su 16 de austu 2023, pretzisende chi a is dipendentes custa die at a èssere contada comente una die de fèrias, francu bisòngios particulares de servìtziu;

Intesos in mèritu is dipendentes comunales interessados dae su presente providimentu;

Pigadu atu de sa netzessidade, a oghna modu, de garantire is servìtzios essenziali pro sa tzitadinàntzia, comente sa presèntzia in servìtziu de sa Politzia Locale, de sa reperibilidade lestra e de assicurare is servìtzios esternos e limpeza de sa bidda pro mesu de su personale de is cantieris comunales;

Bidos:

- Su D.Lgs 18 austu 2000, n. 267 e mudas e integratziones sutzessivas;

- S'Istatutu Comunale;
- Su Regulamentu comunale subra de s'ordinamentu de is Ufizzios e de is Servìtzios;

### **DISPONET**

1. De donare atu chi sa premissa est parte integrante e sustanziale de su presente dispositivu;
2. Sa serrada a su pùblicu de is ufizzios comunales pro totu sa die de chenàbura su 16 de austu 2023, cun assegnazione de fèrias a su personale comunale, francu is àteros casos de ausèntzia giustificada dae su servìtziu (maladia, cunghedu etc.);
3. De cunsentire s'atzessu regulare a is ufizzios comunales a su personale chi deper acumprire fainas chi non si podent transire e apretosas;
4. De assicurare in custa die sa presèntzia in servìtziu de sa Politzia Locale e de is servìtzios de reperibilidade lestra de protètzione tzivile e de istadu tzivile;
5. De comunicare su presente providimentu a is Responsàbiles de is Servìtzios;
6. De publicare su presente Decretu, pro more de unu ispartzinamentu adeguadu e conoschimentu, in su giassu istituzionale de su Comunu e donare difusione màssima de su contenu suo cun avisos a sa tzitadinàntzia.

Scalepranu, 8 de austu 2023

SU SÌNDIGU

Marco Lampis